



Inatsisartunut Ilaasortaq
Randi Vestergaard Evaldsen
Demokraatit

§ 37 naapertorlugu apeqquteqaammut 2015/200-mut, ilinniagaqartunut inissiat pillugit akissuteqaatit

Asasara Randi

Naalakkersuisut sinnerlugit qujassutigaakka apeqqutigisatit ilinniagaqartunut inissiaatigut pillugit, taakkualu uani ataani akissuteqarfigaakka:

21-08-2015
Sagsnr. 2015 - 7224
Dok. nr. 902900

Postboks 1029
3900 Nuuk
Tlf: +299 34 50 00
Fax: +299 32 20 73
Email: iiknn@nanoq.gl
www.nanoq.gl

1. Paasineqarnikuunerluni nunami maani kollegiani inissat qassit amingaataanersut? (Illoqarfikkuutaartumik naatsorsukkanik)

Akissut: Naalakkersuisut ilinniagaqartunut inissianik illoqarfinni ilinniartoqarfiusuni attartorput, ilinniagaqartunut illoqarfiit pineqartut avataanneersunut inissat pisariaqartinneqartut naammatsinniarlugit. Ilinniagaqartunut inissianik pisariaqartinneqartunik attartorneq ilisimaneqartoq aggustip 14-iani takussutissiami 1-imi saqqummiunneqarpoq. Oqaatigineqassaaq qaammatit aggusti aamma septembari ilinniagaqartunut inissaqartitsiniarnermi atorfissaqartitsiviunerpaasarmata, taamaattumillu kisitsisit piffissami tassani allannguuteqarsinnaasarlutik.

Takussutissiaq 1 – aggustip 14-iani 2015 inissiat attartorneqartut

Illoqarfik	Attartukkat amerlassusaat	Ilinniagaqartut amerlassusaat	Ineqartut amerlassusaat (meeqqat ineqataasullu allat ilanngullugit.)
Nuuk (KAF)	49	130	194
Nuuk (GUX)	5	10	18
Aasiaat	14	6	14
Qaqortoq	13	29	55

Oqaatigineqassaaq ilinniagaqartunut inissianik isumaginnittuusut piffissat ilaanni inissianik ikinnerusunik attartorsimasinnaasarmata, Naalakkersuisut ilisimanngisaannik. Taamaattumik una qulaani takussutissiaq ilinniagaqartunut inissianik isumaginnittuusuniit kisitsisinik nassiunneqarsimasunik kingullernik tunngaveqarpoq.

Ilinniagaqartunut illoqarfimmi ilinniagaqarfiusumi najugaqartooreersunut aamma inissianik pisariaqartitsisut naatsorsuunneqartunut innersuussisoqartassagaluarpat nalilernerqarpoq siuliani nalunaarsukkaniit 1000-it missaannik amerlanerusut atorfissaqartinneqassagaluartut. Nalilersuinerli taanna annertuumik nalorninartortaqrpoq.

2. Ininut kollegiaangitsunut ilinniartut inissittarnerinnut aningaasat qassit atorineqarnikuuppammita? (Akunnittarfinnut, vandrehjem-inut, sømandshjem-inut, inuinnarnut il.il.) (Illoqarfikkuutaartumik naatsorsukkat)

Akissut: Matuma ataani takussutissiaq 2-mi 2014-imi illoqarfinni pineqartuni atuineq takuneqarsinnaavoq. Attartortoqarsimasinnaavoq ilassutitut inissianik, ilinniagaqartut ineqarnerannut aqutsisoqarfimmiit Naalackersuisunit ilisimaneqanngitsunik: Ataani takussutissiaq Ilinniartitaanermut Naalackersuisoqarfimmut nalunaarutigineqartartunik tunngaveqarpoq.

Takussutissiaq 2 – atuineq, 2014-imi attartorneq

Qaqortoq	1.990.000 kr.
Nuuk	8.481.000 kr.
Sisimiut	396.000 kr.
Aasiaat	2.280.000 kr.
Katillugit	13.137.000 kr.

Ilisimatitsissutigineqarsinnaavoq naatsorsuutaammat 2015-imi nuna tamakkerlugu atuineq aamma taamaassasoq, illoqarfiit ilinniagaqarfiusut avataanniit ilinniartortartunut tamanut inissianik attartortarneq eqqarsaatigalugu.

3. Kalaallit Nunaanni kollegiani inissat oqummik eqqorneqarnikut qassiunersut ilisimaneqarnerluni?

Ilinniagaqartunut inissiat oqummik nalaanneqarsimasut qassiunnerannut takussutissaqanngilaq. Naalackersuisut ilisimasaqarput ilinniagaqartunut inissiat arlaqartut oqummik eqqugaasimasut, ingerlaavartumillu nalilersuisoqartarpoq taakkua iluarsarneqarsinnaanersut iluarsarneqassanersullu, imaluunniit inissiat ima aserfallassimatiginersut iluarsaanissaq akilersinnaanani.

4. Ukiut kingulliit tallimat-qulit ingerlanerini kollegiani init oqussimasut iluarsaannerannut aningaasat qassimmita atorineqarsimappat?

Kisitsisinik paasissutissanik suliaqartoqarneq ajorpoq iluarsaassineq / aserfallatsaaliineq oqummik peqquteqartumik suliaanersoq pillugu, taamaattumillu apeqqut akineqarsinnaanngilaq.

5. Pilersaaruteqartoqarpa oqummik ajornartorsiuteqarnerup inissaaleqinerullu akiornissaannut?

Naalackersuisut AIS2016-imut 85 mio. kr.-it immikkoortissimavaat ilinniagaqartunut inissianik sanaartornissanut, ukiuni 2017-imiit 2019-imut. Tamatumalu saniatigut ingerlaavartumik ilinniagaqartunut inissiaatit qanoq aserfallassimassusiat nalunaarusiorneqartarpoq, oqummik eqqorneqarsimanerat pasitsaanneqaraangat.

Naalackersuisut aamma soqutigisaqartunik assigiinngitsunik oqaloqateqarput ilinniagaqartunut inissialiornernut attartornikkut aningaasalersueriaasiusinnaasut pillugit, imaluunniit assingusumik aaqqissuussinerusinnaasut, namminersortut-pisortallu peqatigiinnerisigut, suleqatigiinnikkut aningaasaateqarfiit assigisaallu eqqarsaatigalugit. Oqaloqateqarneq taanna ingerlanneqarpoq tunngavigalugit aallaaviusut killiliussallu, attartortarnermut aningaasalersuisarnermullu tunngasumik periusissiaasut.

Inussiarnersumik inuulluaqqusilluta
Med venlig hilsen



Nivi Olsen